

KHASITOMO YA SARS YI TEKA SWIDZIDZHARISI EKA MUKHANDZIYI WA XISATI WA 74 WA MALEMBE LOYI A TIRHISAKA WILICHERE

Pretoria, ti 8 Khotavuxika 2019 – Vaofisiri va Khasitomo va Vukorhokeri bya Xibalo bya Afrika-Dzonga (SARS) va yimisile mukhandziyi wa xisati wa 74 wa malembe loyi a tirhisaka wilichere loyi a ri na *heroin* yo durha kwalomuya ka R500 000 - leyi a yi tumbetiwile eka swiphemu swa vuxisi eka beke ya yena yo khoma hi voko eRivaleni ra Swihahampfhuka ra Misava Hinkwayo ra OR Tambo hi Ravumune, ti 6 Khotavuxika 2019.

Mukhandziyi a fanele a ya etikweni ra le Yuropo Xikarhi enkarhini wa yimiso. Endzhaku ka nkambelo eka ndhwalo wa yena wa le vokweni, swilo swa mapa swi kumiwile. Xikambelwana xa swidzidziharisi xi endlwile naswona leswi nga ndzeni swi kumiwile leswaku i *heroin*.

Khasitomo yi tsarisile nandzu wa vugevenga exitichini xa maphorisa xa laha kaya wo khoma swidzidziharisi no ringeta ku swi ngungumerisa. Muehleketeleriwa u tilhele a khomiwa, loko ka ha yimeriwile mbonako wa le khoto mayelana na milandzu leyi.

Khasitomo ya SARS yi tshama yi khensa ntirhisano wo vuyerisa exikarhi ka vaofisiri va vona, Vunhlori bya Vugevenga bya Vukorhokeri bya Maphorisa bya Afrika-Dzonga (SAPS) na tiejensi tin'wana ta nhlayiso wa nawu eORTIA, lowu ya ka emahlweni wu tshovela mihandzu ya kahle ehenhla ka ku ngungumerisiwa ka swidzidziharisi, ku vurile Mufambisinkulu wa Khasitomo: Mohamed Ally.

Ku vona swifaniso, [tliika laha](#).